

КОМСОМОЛОНЬ ВАЙГЯЛЬ

Сембе масторонь пролетариятне, пуромода марс!

ЛИСЕНДИ V-це КИЗОСЬ

Мокшэрзянь ВЛКСМ-нь
обкомть и Саранскяень
горкомть газетасна

Адресс: г. Саранск, ул. Ленина 11,
телефон № 1—72.

И Ю Л Т Ъ

5-ЦЕ ШИСТОНЗА
1937 КИЗОНЯ
73 (447)

Лисенди ковти 12-ксть.

ЦЕБЯРЬГАФТОМС ВЫБОРХНЕНЬ ЛАНГСА РУКОВОДСТВАТЬ

Тяда ингольденъ „Комсомолонь вайгяль“ газетаса печатлаф Мокшэрзянь ВКП(б)-нь обкомть путфксон „Областной комсомольский организацияс отчетно-выборной кампаниять молеманц колга“. ВКП(б) нь обкомть бюроц съормадозе, што „комсомольский организацият нень отчетно-выборной кампаниясна йотни афудовлетворительная“.

Лама комсомолонь райком мянтиярс выборхнень лангса руководствать вятсазъ формальнайста. Зубунъ, Инсаронъ комсомолонь РК-не сидеста аф содасазъ мезе тиеньдеви первичнай организацияс и выборхнень марга руководят телефон вельдя. Тянь сюнеда Инсаронъ районца колма перичнай организацияс выборхнень йотафтомста нарушали ВЛКСМ-нь ЦК инструкцияц.

Аф сяда цебарьста йотнихть выбортне Ковылкинанъ районца, коса выборхне комсомолонь райкомть планонц коряс аф йотафневихть. Июльть васеньце шинц самос тяса эряволь йотафтомс выборт 9 организацияс, а йотаффт аныцек 6 организацияс. Тяста цебарьстаняевн, што комсомолонь райкомсь сонъц ошезе шарькодъ ВЛКСМ-нь ЦК III це пленумонц решениянц. Кда райкомсь шарькодельце пленумть решениянзон, то выборхнень лангса руководствать ладяльце оперативнайста живой конкретнай лезкс марта.

Лама случаяс первичнай организацияс выборхне йотнихть низкай идейнай политический уровеньца.

Ковылкинаса мельничанъ комсомольский организацияс выборной пуромксса кочкасть райконференцияв делегат, конанъ омбоцешиня валтозъ работаца и максозъ судс растратанкса. Конешна, кда райкомсь кода эряви лездоль тя комсомольский организацияти, кепедемс критикать и самокритикать высокаяй политический уровеньц, то тя растратчиксь улельба разоблаченнай.

ВКП(б)-нь обкомть бюроц эсь решениясонза Мордовиянь комсомольский организацияс выборхнень мольтемаснон колга съормады:

„ВКП(б)-нь обкомсь мярьгеньди ВЛКСМ-нь обкомти, ВКП(б)-нь райкомтиеньди обеспечендамс отчеттнень и выборхнень йотафтомста (большевистский критикать и самокритикать келептемаснон, кепедь комсомольский организацият-нь революционной бдительность-он и партиять и народть врагонды непримеримость, йотафтомс беспощаднай тюрема сембе и террволюционной-троцкистский жуазно-националистический и враждебнай проявлениятнень инь конкретнай носительснон каршес, шарфтомок и организован-дамок организациять политический под'емонц комсомолечнень и одломаньтнень коммунистический воспитанияснон колга ВЛКСМ-нь ЦК-ть III-це пленумонц решениянзон пашкедема“.



Саранск ошень Советский площадьса од займать нолдаманцты лемтьф трудяень митингсь.

Фотось Веретенниковть.

„Минь ащетяма миронкса и арелякшнесаьк миронь тевть. Но минь аф пельхтяма угро-затнень эзда и аноктама отвечаемс ударса войнанъ кровавнихнень ударснон каршес“. (СТАЛИН)

Трудяйхне приветст- вовандасазъ оборо- нанъ од займать

Июльть омбоце шистонза ЦИК-ть зданиянц инголе площадсь ульсь пшаксе веселай рабочайда и служацайда. Синь пуромсть сей, штоба азомс партияти и кельгема Сталин ялгати СССР-нь кемекстаманъ оборонанъ займать нолдаманц колга эсь мяльснон.

СССР-нь оборонанъ займать колга посвященный митингть панжезе Саранск ошень советть председа-телец Студеникин ялгась.

Нюркяне приветственный валсонза Саранскяень ВКП(б)-нь горкомть секретарец Закит ялгась азозе, што кодамовок троцкистско—бухаринский мерзавеценьди, буржуазно — националистический шпионьонди, японо — германский фашистонь агентоньди, аф удаляй поколебат минь великай павазу социалистический родинанькень. Мекпьяльденъ валсонза сон азсь уверенность, што МАССР-нь трудяйхне, кода фкя съормадф-тыхть СССР-нь оборонанъ займати.

Закит ялгать речтонза меле марьявсть вайгяльхть—оцю спасибо кельгема вожденькеньди Сталин ялгати.

— Гигантский комбинатне,—фабрикне заводтне и социалистический велесь тийфть советский трудовой народть—рабочайхнень и сембе трудяй массатнень марта,—митингса кортась МАССР-нь Наркомфинц Пустовалов ялгась. Сон оцю мяль шарфнесъ советский государстваса займать оцю значенинцты авторитетонцты. А,

СССР-нь оборонанъ кемекстаманъ займать нолдаманцты посвящен- най Саранск ошень рабочаень и служащаень митингть резолуцияц

Кулцендомок горсоветонъ председатель Студеникин ялгать „СССР-нь оборонанъ кемекстаманъ займать“ нолдаманц колга, Саранск ошень трудяйхне, конат пуромсть общегородской митингс седи вакса васьфнесазъ од займать колга правительствать решениянц.

СССР-нь оборонанъ кемекстаманъ од займась выражадай-минь родинанькень многомиллоннай массанзон воляснон и ащи советский народть ширьде грознай ответокс войнанъ фашистский поджигательхненьди.

Фашистский пинетне Тухачевский, Уборевич, Якир и лия подлай шпионтне диверсантне и вредительхне йорасть лафчептомс минь доблестнай Якстерь Армиянькень мощенц, мимс минь родинанькень и максомс минь моланькень капиталистненьди и помещикненьди. Ня японо-германский фашизманъ агентне машффт.

Советский народсь аф кирьди эсь рядонзон эса родинанъ изменникт и сай пингтнень, большевистский партиять руководстванц и сембе трудяень великай вождь Сталин ялгать руководстванц ала, нинге сяда вяри кепедьсы наро-

донь врагть каршес тюреманъ революционной знамать, педа-пес таргсесыне контрреволюционной троцкистнень, правай и буржуазнай националистнень илядыкснон коряньснон.

Од займась нинге сяда виюста и сяда пяк кемекстасы минь странанькень мощенц, кемекстасы минь родной Якстерь Армиянькень, тисы минь странанькень социализманъ непреступнай крепостекс.

Единодушно и удовлетворения марта прьмамок решения кафта колма недаянъ заработать госу-дарствати пандомда максоманц колга, митингс пуромф рабочайхне и служацайхне терьнесазъ ошть и районть сембе трудяензон при-мамс активной участия од займать реализовандамаса стама расчета, штоба займати съормадфтомать аделамс маластонь шитнень.

Шумбра улеза минь доблестнай Якстерь Армияньке и сонъ железнай полководецоц Ворошилов ялгась!

Шумбра улеза минь сембе победанькень вдохновитель, минь кельгема и дорогой вожденьке и учителеньке Сталин ялгась!

Кемекстазе ССР-нь Союзонь Народнай Комиссаронь
Советсь 1937 кизонь июльть 1-це шистонза

ССР-нь Союзонь оборонань кемекстамань государственной внутренней займать нолдамань условиянза

1. ССР-нь Союзонь оборонань кемекстамань государственной внутренней займась явондови 2 выпуска: беспроигрышный и процентный.

2. Займась нолневи облигацияса 500, 200, 100, 50, 25, 10 цалковаень достоинства беспроигрышный выпускть коряс и 500, 200, 100 и 25 цалковаень процентный выпускть коряс.

3. Облигациятне 500 и 200 достоинства ацихть соответственно 5 али 2 сядот цалковаень фкя сериянь вете али кафта номер марта облигацияста и макссхть права: а) беспроигрышный выпускть коряс—вете али кафта выигрышеньди, конат фкя пингения прашендыхть номерхненъ эзда кажнайти, конат обозначеннайхть облигациятненъ лангса; б) процентный выпускть коряс—процентный доходсь облигациять сембе нарицательной стоимостью эзда.

Облигациятне 50, 25 и 10 цалковаень достоинства ацихть сядо цалковаень облигациянь паялксокс и макссхть соответствующий ($\frac{1}{2}$, $\frac{1}{4}$, $\frac{1}{10}$) выигрышенъ доля али процентный доход, конат сави сядо цалковаень облигацияти.

Прьметафкс: 25 и 10 цалковаень облигациятне нолневихть анычек подписчикненъ марта расчетонди али ся случайхненъ пингста, мзярда подписканъ суммать коряс не могут улемс максфть сядо крупной достоинстванъ облигацияти.

4. Займать кафцкя выпусконза явондовихть разрядга сядо миллионть цалковайхть эрь разрядса. Беспроигрышный и процентный выпусконь эрь разрядть улихть 20 тьожяньт сериянза 5 тьожяньт цалковайхть эрь серияса. Беспроигрышный выпусконь кажнай разрядонь сериятненъ улихть номерсана 20 тьожяньт фкя номерста сямемок 40 тьожяньт номерти модемс; процентный коряс 100 тьожяньт фкяста сямемок 120 тьожяньти модемс.

5. Займань 20 кизонь срокть пингста выигрышает беспроигрышной выпусконь эрь облигациясь.

Выигрышне ладьсевичхть 3 тьожяньт, 1 тьожянь, 500, 200 и 150 цалковайхть сядо цалковаень облигацияти, сувафтомок облигациять (сяда цалковайхть) нарицательной стоимостенц.

Облигациясь, конань лангс прась выигрыш, погашается и валхневи сядо товодонь тиражтненъ эзда.

6. Беспроигрышный выпускть коряс 20 кизонь срока йотафневихть выигрышенъ 80 тиражт — 4 тиражт эрь кизоня. Выигрышенъ тиражтне йотафневихть срока, конат ладьсевичхть ССР-нь Союзонь Финансонь Народнай Комиссартъ ширьде.

7. Эрь тиражса выигрышта беспроигрышный выпусконь эрь разрядти, лиякс мярьгемс займань эрь сядо миллионть цалковайхненъди, налккондови выигрышенъ тяфтама лувкс:

КОДАМА ТИРАЖСА	3 тьожяньт цалковаень выигрышненъ лувксана	1 тьожяньт цалковаень выигрышненъ лувксана	500 цалковаень выигрышненъ лувксана	200 цалков. выигрышненъ лувксана	150 цалков. выигрышненъ лувксана	эрь тиражса выигрышненъ общей лувксась	эрь тиражса выигрышненъ общей суммась (цалков. вайса)
1—4 тиражса налккови кажнайса	1	5	50	1000	3944	5000	824600
5—8 тир. налккови кажнайса	1	5	50	1000	4244	5300	869600
9—12 тир. налккови кажнайса	1	5	50	1000	4594	5650	922100
13—16 тиражса налккови кажнайса	1	5	50	1000	4994	6050	982100
17—20 тиражса налккови кажнайса	1	5	50	1000	5444	6500	1049600
21—24 тир. налккови кажнайса	1	5	100	1500	5594	7200	1197100
25—28 тир. налккови кажнайса	1	5	100	1500	6144	7750	1279600
29—32 тир. налккови кажнайса	1	5	100	1500	6744	8350	1369600
33—36 тир. налккови кажнайса	1	5	100	1500	7394	9000	1467100
37—40 тир. налккови кажнайса	1	5	100	1500	8094	9700	1572100
41—44 тир. налккови кажнайса	1	5	150	2000	8194	10350	1712100
45—48 тир. налккови кажнайса	1	5	150	2000	8994	11150	1832100
49—52 тир. налккови кажнайса	1	5	150	2000	9844	12000	1959600
53—56 тир. налккови кажнайса	1	5	150	2000	10744	12900	2094500
57—60 тир. налккови кажнайса	1	5	150	2000	11694	13850	2237100
61—64 тир. налккови кажнайса	1	5	200	3500	12494	16200	2682100
65—68 тир. налккови кажнайса	1	5	200	5000	13644	18850	3154600
69—72 тир. налккови кажнайса	1	5	200	7000	15694	22900	3862100
73—76 тир. налккови кажнайса	1	5	200	9000	18944	28150	4749600
77—80 тир. налккови кажнайса	1	5	200	12000	20944	33150	5649600
Сембе 80 тиражтненъ эса налккондови эрь 100 милл. цалковаень питне займати	80	400	10000	236000	753520	1000000	165868000

8. Беспроигрышный выпусконь облигациятне, конатненъ лангс прастъ выигрышт, могут улемс пред'явленайхть пандомс 1958 кизонь декабрьть 1-це шинц самс.

Тя срокть йотамда меле облигациянь кирьдись юмафнесы выигрышенъ и облигациять питнец получандамаснонды праванц.

9. Процентный выпусконь облигациятненъ коряс доходсь панневи вестъ кизоти ниле процентонь размерса купонттненъ коряс, конатненъ срокса сашендыхть эрь кизоня декабрьть 1-це шистонза, ушедомок 1938 кизонь декабрьть 1-це шистонза.

10. Процентный выпусконь облигациятненъ рамамасна ушеды 1953 кизонь декабрьть васенце шистонза и йотафневи 5 кизонь пингста (1953, 1954, 1955, 1956 и 1957 кизонь эзда) ровнай паялксса эрь кизоня.

Облигациятне, конат подлежат рамавомс 1953—1956 кизотненъ эзда, определяются погашениянь эрь кизонь тиражтненъ марта, конат йотафневихть срока, конатненъ ладьсесыне ССР-нь Союзонь Финансонь Народнай Комиссариатсь. Облигациянь кирьдихнеуди обли-

гациясноя рамамстост панневи облигациять нарицательной питнец, ушедомок ся кизонь декабрьть 1-це шистонза, кона кизоня йотненъ тиражсь.

Облигациятне, конат атак погашандакт тиражтненъ марта, рамсевичхть 1957 кизонь декабрьть 1-це шистонза сямемок.

11. Процентный выпусконь облигациятненъ коряс, конат лиссьть погашениянь тиражс, панневихть купонттне, сувафнемок ся кизонь декабрьть 1-це шинц купонтть, кона кизоня йотафневистъ тиражсь. Сяда тов сроконь купонттне аф панневихть.

12. Процентный выпусконь облигациятне, конат подлежат рамамс, а стания жа купонттне, конатненъ срокса сась, могут улемс пред'явленайхть пандомс 1958 кизонь декабрьть 1-це шинц самс. Тя срокть йотамда меле облигациянь и купононь кирьдихне юмафнесазь праваснон купонттненъ и облигациятненъ питнеснон получандамаснонды.

ССР-нь Союзонь Финансонь
Народнай Комиссарсь—
Г. ГРИНЬКО.

3 МИЛЛИОНТ 256 ТЬОЖЯНЬТ ЦАЛКОВАИХТЬ СССР-нь ОБОРОНАТЬ КЕМЕКСТАМАН- ЦТЫ

Июльть 3-це шинцты самс, Мордовияса, СССР-нь оборонань кемекстамань займати сьормадфть 22088 ломаньт, 3 миллионть 256 тьожяньт цалковайс.

М.ТАСС.

КОДА МОЛИ ОД ЗАЙМАТИ ПОДПИСКАСЬ

Июльть васенце шистонза, кулцондомок радио вельде оборонань займать нолдамани колга правительствать сообщенианц, Саранск ошса вишкста кармась молема займати подпискась.

Мордгизса 11 ломаньць сьормадфть 5000 цалковайс, МАССР-нь трудсберкассань управленияса сотрудникне сьормадфть 2380 цалковайс, центральной сберкассань сотрудникне (21 ломаньць) сьормадфть 2775 цалковайс. Васенце шиня сембец сьормадфть 40 тьожяньт цалковайс.

М. Т.

Фкя частти оборонань займати сьормадфть 25555 цалковайс

Кадошкино. Шовдава июльть 1-це шистонза панжевсь райисполкомть очередной пленумоц. Пленумть иляденъ заседаниясонза радио вельде ульсь кулцондф оборонань займать нолдамани колга правительствать сообщенианц.

Кадошкинань МТС-ста рабочайхне и служащайхне радио вельде оборонань займать нолдамани колга правительствать сообщенианц васьфть оцю мяльса.

Частта меле МТС-нь рабочайхне и служащайхне оборонань займас сьормадфть 6320 цалковайс. Сембе районнай центрасса фкя частти подпискась ульсь пачфть 25555 цалковайс.

М. Т.

ЗУБУНЬ РАЙОНЦА КОМСОМОЛЬСКИЙ ОРГАНТНЕНЬ ВЫБОРНА ИОТНИХТЬ ФОРМАЛЬНАИСТА

АШ ОПЕРАТИВНОСТЬ ЗУБУНЬ РАЙКОМСА

Од избирательная система коря комсомольский организациянень эса выборне, большевистский критикать и самокритикать вельде лездыхть сяньди, штоба педа пес ароптомс комсомольский руководящий аппаратста буржуазный националистнень, троцкистско-бухаринский гадинатнень карьеристнень и шкурнекнень, конат вредили комсомолть работасонза.

Закрывает (тайная) голосованиянень коря комсомолса выборне нинге сядонга пяк вишкентсы ВЛКСМ-нь члентнень революционной бдительностьснень, сяда кеместа сплотит синь большевистский партиять и кельгема вожденькень Сталин ялгать перф.

Штоба йотафтомс ВКП(б)-нь ЦК-ть февральский и ВЛКСМ-нь ЦК-ть III-це пленумснень коря комсомолса выборнень, эряви, штоба ВЛКСМ-нь райкомтне и ВКП(б)-нь организациятне оперативна лездолхть первичнай комсомольский организациятненьди и ВЛКСМ-нь комитетненьди.

Косарев ялгась эсь докладсонза ВЛКСМ-нь ЦК-ть III-це пленумсонза кортась: „Советненьди маластонь пингень выборнень лангс ваномок, необходима башка внимательнайста работамс колхознай первичнай комсомольский организациятнень марта“.

Но тяфта ли ащи тевсь Зубунь районца? Аф, аф тяфта. ВЛКСМ-нь Зубунь райкомсь течимс ашезь кярмедь оперативно лездомс колхознай комсомольский организациятненьди. Райкомсь эсь лезксонц комсомольский организациятнень эса выборнень ладямасонды арьсезе кабинетса, телефон вельде.

Сянь вастс, штоба комсомолса выборнень йотафтомасон пингста ладямс политико-воспитательнай работать комсомольский организациятнень эса, ладямс комсомольский политшколатнень и кружокнень работасон, райкомть ингольден политтонафнемань отделонц заведующаец Михайловсь

райкомса, кабинетса ашезь кочкесь телефон вельде цифрат.

Тя калдяв работать сюнеда районца лама комсомольский организациява комсомолецне аф содасазь Косарев ялгать докладонц и ЦК-ть III-це пленумонц решениянзон. Кепетьксонди, Жарав вельень комсомольский организацияса аш кодамовок работа. Комсомолецне политшколаса аф тонафнихть, комсомольский пуромкст аф пуропневихть, членский взност комсомолецне аф паннихть. Тякажа велеса оцю антисоветский работа вятсть церковникне.

Комсомольский организациясь воспитательнай работа ашезь мольфтя, конань сюнеда кой-кона комсомолецне повсть церковникнень агитацияснень алу.

Ширенгушский фабрикань комсомольский организацияса ВКП(б)-нь историять основной моментонзон тонафнемасон колга кружоконь пропагандистть Рычковть калдяв работанц сюнеда 22 слушательхнень эзда тонафнихть аныцек 3 комсомолецт. Рычковсь занятияс якой атак аноклак, мезенкса и слушательхнень кизефксонды макссесь аф правильной ответт.

Н—Выселкань и Уметский комсомольский организациятнень эса апак обсуждаид Косарев ялгать докладонц и ВЛКСМ-нь ЦК-ть III-це пленумонц решениянза. Комсомолецне аф вятихть кодамовок аноклама работа выборненьди.

Нят комсомольский организацияненьди 1937 кизоня фяжовк райкомовский работник ашезь яка.

Эряви азомс, што Зубунь районца комсомольский организациятнень калдяв работасон колга аф весть ульсь пачатлаф „Комсомолонь вайгяль“ газетать лопа ширесонза, но райкомсь ашезе лув эрявиксонди тиемс газетаса пачатлаф материалхнень эзда эрявикс выводт.

Минь в праве азомс, што Зубунь районца выборне йотнихть пасивнайста, большевистский критикафтома и самокритикафтома.

Аш большевистский критика и самокритика

Зубунь лама комсомольский организациятнень эса Косарев ялгать докладонц и ВЛКСМ-нь ЦК-ть III-це пленумонц решениянзон ашезь обсуждаидкне. Ламоц комсомолецнень йоткста комсомолса выборнень колга мезевон аф содайхть.

Политтонафнемань кружокнень работасна районца сязьфть, кой-кона комсомольский организацияса комсомольский полит. школатне и кружокне тачимс ашесть ушедкне работамонга. Кепетьксонди, Тепло—Станский комсомольский организацияса комсомольский пуромкс ульсь нинге 1936 кизоня. Комсомолецне кодамовок полит. школаса аф тонафнихть, ЦК-ть III-це пленумонц решениянзон аф содасазь.

Тя организацияса фяжовк райкомонь работник ашезь уль.

Лама комсомольский организациява выборне йотасть аф активнайста (Пед училищаса) выборнай пуромксса аш большевистский критика и самокритика. Комсомольский организациятнень афсатыксна и райкомть безобразиянза лангу аф лифневихть.

ВЛКСМ-нь райкомсь комсомолса выборнень йотафтомасонды лезды кабинета, телефон вельде, выборнень йотафтомасон колга сведениян кочказь.

Минь надиятама, што райкомсь эсь работань стилинц полафтсы ВЛКСМ-нь ЦК-ть III-це пленумонц решениянзон коряс.

Ф. Заиграйкин.



„СССР-нь оборонань кемекстамань займати“
лемтьф митингсь Саранск ошса.

Фотось Веретенниковть.

ТАРКСЕМС ГАДИНАТНЕНЬ ЛЯДЫКС КОРЯНЬСНОН КОМСОМОЛСТА

ВЛКСМ-нь Шайговань райкомть ингольден пингень руководящий составоц ульсь засореный троцкистско-бухаринский гадинаса, кода ВЛКСМ-нь райкомть ингольден пингень секретарец Фенинц. Тя фашистский агентсь, ингольден пингень ВКП(б)-нь райкомть секретаренц кадровой троцкистть Бажановть марта, кодама аныцек подлай тевт ашесть вяте. Партийно-комсомольский политшколатнень и кружокнень работасон страфтозь-калафтозь, политиковоспитательнай работа колхозтнень эзда ашезь йотафнев, райкомтнень работасон таргсезь пьянкас и склочничествас.

Пропагандистнень йоткса кодамовок работа ашезь йотафнев, семинархт, совещаният ашесть эря. ВЛКСМ-нь райкомть штатнай пропагандистоц Сарайкина ялгась, кода пропагандист ашезь использовандакшне. Теенза кодамовок политшкола и кружок тачимс апак кемекстаколь.

Критикась и самокритикась комсомольский организациятнень эса, и васендакига ВЛКСМ-нь райкомса люпштафоль. Фенинц райкомса работасонды кодамовок ус-

ловият работасонды ашезь макссе, сон администировал кабинетса. Комсомолса выборненьди анокламань работать злоумышленно сязендезя.

Эряви азомс, што ВЛКСМ-нь обкомсь эсь политический ротозействанц сюнеда кувать ашезе разоблачанда Фенинц вредительский работанц. И Фенинц обкомть списка лувондовсь, аф калдяв секретарькс. Тя политический беспечность Фенинти макссесь възможность вятемс райкомса эсь гадский тевонзон.

Мон надиян, што райкомонь од составсь одукс ладясы райкомть работанц, ВЛКСМ-нь X-це с'ездть и ВЛКСМ-нь ЦК-ть III-це пленумонц решенияснень коряс. Комсомольский организациятнень эса выборнень цебарьста йотафтомасонды райкомсь оперативнайста ушеды лездомас.

Отчетно-выборнай пуромкснень эса, большевистский критикать и самокритикать вельде таргсемс троцкистско-бухаринский гадинатнень, буржуазнай националисттнень и лия сволочнень лядыкс коряньснень.

И. Исламкин.

Лифтемс лангти сембе афсатыкснень и куроковня синь машфтомс

Авдоловский первичнай организацияса ламоц комсомолецне аф содасазь од Конституциять и Сталин ялгать докладонц, конань сон тиезе ВКП(б)-нь ЦК-ть февральский пленумсонза.

Тя комсомольский организацияса аф кунара ульсь йотафть выборнай пуромкс, кода комсомолец Леснин ялгась азозе, што комсомольский организациясь работась пяк калдявста. Комсомолецнень

политический содама шисна пяк кржа, а политтонафнемась моли пяк и пяк калдявста.

Комсомолецне аф мольфтихть кодамовок воспитательнай работа од ломаньтнень йоткса. Аф мольфтеви антирелигиознай работа.

ВЛКСМ-нь райкомсь комсомольский организацияти ашезь макссе кодамовок практический лезкс.

Ф. З.

Зубунь р-н.

Кочкаф од комсорт

Теризморга вельень „17 лет Октября“ колхозса комсортгокс работась Кукин ялгась, кода афолезень сода эсь комсомолецнень и организацияса ашезь вятя кодамовок работа.

Кукинц эсь работанц пингста ашезь прима фяжовк афсоюзнай од ломаньтнень эзда комсомолу.

Шайговань райкомсь комсомольский организациять шири ашезь шарфне кодамовок мяль.

Аф кунара ВЛКСМ-нь райкомста сашентсь представитель Са-вельев ялгась выборнай пуромксонь йотафтома. Пуромксса Кочкасть од комсорт Трегубов ялгать, кода оцю мяльса кярмедсь комсомолонь работати и аф кунара марстонь пуромксса примасть 3 ломаньт комсомолу.

Ф. Бикеев.



Июнь 26-це шистонза Советский Союзонь геройсь М. В. Водопьянов ялгась ульсь Московонь государственной реалистический театраса. Тоса сон ваноце соньцен "Мечта" пьесанц пуюманц
СНИМКАСА: (кяржи ширьде видити) Советский Союзонь геройсь М. В. Водопьянов и А. А. Абрикосов ("Мечта" пьесаса налксы Бесфамильной летчикть роленц эса).
Фотось Б. Рабисевичень (СОЮЗФОТО).

Культурно-просветительнай работась ладяф цебарьста

Тарбеевань район. Насакина велень советса "Пятилетка" колхозса комсомольскый организациясь цебарьста организовандазе культурно-просветительнай работать одломаньтень и сембе колхозникнень йоткса.

Эрь илядня одломаньтне пуромкшнихть клубу, коса йотафнихть коллективной читкат, то нафнесазь Сталин ялгать докладонц, конань сон тиезь ВКП(б)-нь ЦК-ть февральскый пленумсонза и ВЛКСМ-нь ЦК-ть III-це пленумонц решениязон. Аф кунара ульсь йотафть марстонь пуромкс, коса ульсь обсуждадаф МАССР-нь конституциянь проектоц.

Июнь 17-це шистонза колхозонь председателсь Ильгин ял-

гась рамась колхознай клубу громкоговоритель Эрь шиня обеденнай перерывста и илять пуромкшнихть организованнайста колхозникне, колхозницатне и сембе одломаньтне радионь кулцендома.

Тяда башка, сейчас оцю мяль шарфневи антирелигиознай работать ширес. Йотафневихть докладт и беседат.

Пронькин.

Комсомольскый организациясь аноклай выборхнень цебарьста йотафтомаснонды. Сембе комсомолецне упорнайста тонафнесазь ВЛКСМ-нь ЦК-ть III-це пленумонц решениязон и од избирательнай системать колга ЦК-ть инструкцияци.

Пронькин.

ЛАГЕРЬСА ПАМА АФСАТЫКСТА

Июнь 30-це шистонза Саранскяень пионерскый лагерьса ульсь йотафть пионерхнень родительснон марта пуромкс.

Пионерхнень родительсна няфтезь сембе афсатыкснень, конат шорайхть пионерхнень цебарьста ваймамаснонды.

Афсатыксне - тяфтапт: пита-

ниясь аноклакшеви аф доброкачественнайста, пионерхнень сявоньдсазь 4-5 вайгяльпешка эшелема, конань сюнеда нарушандакшневи шинь порядкась.

Лагерьса аш веде, аш библиотека, тя пингс апак ладяк кружокнень работасна.

И. Белов.

Л. ЗАКОВСКИЙ

1-це рангонь государственнай безопасностень комиссарсь, Ленинградский областть эзга НКВД-нь управлениянь начальниксь

Иностраннай разведывательнай органтнень и синь троцкистско-бухаринский агентураснон некоторой методснон и приемснон колга *)

Франциясь жа Германиять колга пцтай мезевон изьсола. Немецне кучсесь Наполеон III-ть тыловонза эсь шпионснон, лазутчикснон, агитаторснон, диверсантснон, конат тряфнесть кепсемс крестьянскый восстаният, штоба лафчептемс фронтть. Синь кучсесь аф весть ломанень шавихть, конат должент ульсь шавомс Наполеон III-ть. Таким образом, Германиясь разведкань и шпионажнень эсь приемонзон марта лездсь успехненьди Франциять каршес войнать эса. Можно няфтемс нинге сяда ичкизден исторический факт, а именно — Москву лангс Наполеон I-ть наступлениянц, мзярда Вильнать ланга Киеву, Петербургу, Москву Наполеон I-сь кучсесь аф кржа шпионда, вырабатывались связень методт нят шпионтнень марта, может быть пяк примитивнайхть, но

сяка пингть пяк действеннайхть И мзярда Наполеон I-ть разведкац ушедсь работам и няфнеме наполеоновский армияти Москву лангс наступлениянц кить, Наполеонсь кортась, што "успехсь ламода зависит сянь эзда, што армиянь командующайсь ниясы, мезе тиеньдеви соседней горатнень фтала". Сонь лазутчиконза и шпиононза тонафнезь местность, аф йотавикс болотатнень, мзяра продовольствияда, седьтнень состоянияснон, кувания должент модемс армиясь. Следовательно, разведкась и эста примсесь определенной участия войскактнень наступления, и, эряви азомс сатомшка удачнайста.

1904—1905 кизоня русско японский войнать пингста оцюазоронь правительствась ашезе шарькод, мяс русский армиясь ламоксть кирьдсь поражения. Нят поражение, конат царский правительствати ульсь неожиданностекс,

ИСПАНИЯСА ФРОНТТНЕНЬ ЭЗГА

Июль омбоце шистонза мятежникнень артиллериясна бомбардировандазе Мадридть и Аранхуэсть. Гражданский населениять эса улихть жерват. Центральной фронтть различнай секторсонза моли оружейнай и артиллерийский перестрелка. Мятежникнень войскаснон эзда лама перебежчикт йотсихть республиканецнень шири.

Харама ляйть секторса мятежникнень сембе атакасна ульсь энергичнайста отраженнайхть республиканский войскактнень марта.

Июль 3-це шистонза республиканский эскадрильянь самолеттне оцю сатфксса бомбардировандазе Авилоса машинакинь станциять. Республиканский омбоце эскадрильясь бомбардировандазе Талеве-раса машинакинь станциять, коса ащесть лама поездт и аэродромт.

Арагонский фронтса, Теруэль секторса мятежникнень артиллериясна бомбардировандазе рес-

публиканецнень позицияснон. Республиканский артиллериясь таяскофтозе противникть артиллериянц и канць теенза оцю ущерб.

Июль 2-це шистонза неизвестнай военной суднась (кода арьсихть, мятежникнень "Альмираанта Сервера" крейсера) Валенсиять эзда 25 километра северу Сагунто ошти нолдась пцтай 25-шка пушкань выстрелхт. Ломанень жертват аш. Сяка жа военной суднась тусь Майорка островса Пальма портти.

Севильский мятежниконь аэродромти аф кунара састь "Фиат" типонь ката од самолетт. Омбоце шине неизвестнай муворть эзда кривезеть и юмасть толса. Мятежникне сияк жа лецезь сембе механикнень. Эскадрильянь командирсь эсь прянц аделазе самоубийстваса.

ТАСС.



Республиканский армиянь боецень велосипедист-связистонь группась, кона фронтонь линиясь кирьдихть соткс.

Фотось СОЮЗФОТОНЬ.

ульсь прямой следствиякс сяньди, што оцюазоронь правительствась Россиять внутренний положениянц создае сяда калдывста, чем Япониянь генеральной штабсь, конац цебарьста аноклась войнати Япониянь генштабсь ламода войнада инголя аф аныцек изучил Дальний Востокть, коса должент улемс йотафневомс япониянь армиять действиянза, но сон станяжа кучсесь генеральной штабонь офицерхт, бта кода кареецт, китаецт, монгол, бта, кода торговецт, фокусникт и ст. тов. Петербургу, Москву и озафнезень синь Сибирский машинакинь магистралень сембе кить квалмос.

Эряви азомс, што японецне — аф калдыфть разведчикне. Японецне йотафнихть лама тяфтама рискованнай методт, конат кда синь цебарьста расценить, разведчикть в конечном счете вятьсазь провалу, но японецне — настойчивайхть ломаньтне и синь молихть оцю риск. Синь юмафтыхть лама жилой вийда эсь цельснон сатоманц инкса. Японецне кучсихть генеральной штабонь офицерхт, кода бта домашний работник. Генераль-

най штабонь офицертне сиводькшихть домашний работникокс кодама-кодама дипломатонь кудс, государственной служащяень кудс, тяфтама ломань шири, конат японский разведкать койса представляють определенной интерес. Генеральной штабонь японский офицерт сидеста кучсихть простой кочегаркс, лакейкс катерс, калдыв корабльс, конат уендихть военной действиян зонать эзга и тиеньдихть интерес генеральной штабти.

Кда сяда инголя разведкатне ушедкшнезь эсь активнай работаснон преимущественно войнать пингста, штоба содамс противникть тайназон, то уж империалистический войнать ушедоманцты разведкась кармась работам лиякс.

Империалистический войнада инголе Европань сембе странатне пуроптсть сатомшка цебарь и цебарьста организованнай разведывательнай органтть, ваномок сянь лангс, што цебарь разведкась ламода тьождылгфты войнаса победать.

(Пец сай №-са).

Ответ. редакторсь С. ЛАРИОНОВ.

Уполномоч. главлито №Д-73. Заказ № 2066. Тираж 1225.

г. Саранск, типография "Красный Октябрь".

*) Ушедксонц ванк 72 №-ста